



Oqaasiliortut ataatsimiinnerat 19.09.2019 nal. 9.30-12.00

Peqataasut:

Oqaasiliortunit: Mariia Simonsen, Juaaka Lyberth, Hans Kristian Olsen, Knud Møller aamma Karen Ramsøe.

Oqaasileriffimmit: Lisathe Møller, Katti Frederiksen.

1. **Oqaluuserisassat akuerineqarput.**
2. **Oqaasiliortut 7/6-2019 ataatsimiinnerannit imaqarniliami** imm. 7-imi Killiffilersuutit killiffiat ilanngunneqassaaq. Aamma oqaatigineqarpoq oqaatsit akuerisat tamakkerlugit imaqarniliamut ilanngunnagit bilagitut ilanngunneqartarsinnaasut.
3. **Siulittaasumit Oqaasileriffimillu ilisimatitsissutit.**

Oqaasileriffimmit paasissutissat

1. Namminersorlutik Oqartussanit Oqaasileriffimmut 2020-mut aningaasartuutissat missingiussaa ima isikkoqarpoq:

40.94.27 Oqaasileriffik (Driftsbevilling)

Budgetspecifikation

	R 2018	FL 2019	FFL 2020	BO 2021	BO 2022	BO 2023
	---- 1.000 kr. ----			---- mio. kr. ----		
Nettoudgift	5.251	5.099	5.115	5,1	5,1	5,1
Lønudgifter	4.175	4.154	4.032	4,0	4,0	4,0
Øvrige udgifter	1.081	945	1.083	1,1	1,1	1,1
Indtægter	-5	0	0	0,0	0,0	0,0

Ukioq manna aningaasaliissutitut sanilliullugu 16.000 kronik qaffanneqarput.

2. Arctic Fundersimiit aningaasaliissutit atorlugit ordbogit pioreersut digitaliserertinnissaannut suleqatissarsionerput iluatsingilaq, taamaattumik suleqatigiit isumaqatigiippugut aningaasaliissutit ukiup ataasiinnaap iluani atorveqartussaammata suliaq tamanna Miniup ingerlatissagaa. Minik Jeremiassenip ulluinnarni korpusilerinermi saniatigut ordboginik digitaliseeriineq ingerlallugulu ilinniartunik ikiorteqartarluni ineriartortissavaa.

3. Nunat Avannarliit Nuummi aggustimi netværksmødeqarput. Nunani Avannarlerni oqaasilerisut naapinnerminni suliatik suunersut eqqartorpaat, aappaagulu Norgemi Nordisk



Sprogmoddeqartitsinissamut pilersarusiornissamik eqqartueqatigiillutik. Ileqquuvoq Nordisk Sprogmoddeni qulequttanik aalajangersimasunik sammisaqartarnek, aappaagumullu qulequtaritinneqarsinnaasut aalajangiuteriingikkaluarlugit makkuusinnaasut eqqaaneqarput: taaguusersuineq, sprogteknologi, klart sprog, leksikografi il.il. Ataatsimiinnerni taamaattuni pisortaq Oqaasiliortunullu allatsi peqataasarput.

4. Oktobarip 7-anni Oqaasiliortut Kultureqarnermullu Ataatsimiititaliaq

ataatsimeeqatigiissapput, tassani Oqaasiliortut Oqaasileriffiullu saqqummiukkumasaat

saqqummiunneqassallutik. Naalakkersuisoqarfimmit erseqqissarneqarpoq ataatsimiititaliap

paasissallugu soqutigisaat makkuunerussasut: Oqaasiliortut sulinerat, sumut killinnerat kiisalu

pilersaarutit aporfiillu. Oqaasileriffik Oqaasiliortunilu siulittaasoq peqatigiillutik

piareersaajumaarput. Piareersagaq naammassippat Oqaasiliortunut

nassiunneqaqqaarumaarpoq. (Kingorna ataatsimiinnissaq 11/10-mut kinguartinneqarpoq).

5. Oqaasileriffiup Nuuk Centerimit allamut nuunneqaqqinnissaa llinniartitaanermut il.il

Naalakkersuisoqarfiup suliniutigaa, maannalu nuuffissamik ujarlertoqarpoq.

4. Ilaasortanit siunnersuutit

Soqanngilaq.

5. Aternik akuersineq

a) Ataatsimiinnerup siulianit maannamut (7/6-19/19-2019) inuit aqqi e-mailikkut

suliarineqartut:

- Erngutannguaq 19/9 nukappiaqqat niviarsiaqqallu aqqattut akuersissutigineqarpoq.
- Ernuta 19/9 nukappiaqqat niviarsiaqqallu aqqattut akuersissutigineqarpoq.
- Nukappiarannguaq 16/9 nukappiaqqat aqqattut akuersissutigineqarpoq.
- Inequna 16/9 niviarsiaqqat nukappiaqqallu aqqattut akuersissutigineqarpoq.
- Maleena 13/9 itigartitsissutigineqarpoq allattaatsimut naapertuutinngimmat.
- Uppik 10/9 nukappiaqqat aqqattut akuersissutigineqarpoq.
- Uteeraq 19/8 nukappiaqqat niviarsiaqqallu aqqattut akuersissutigineqarpoq.
- Digaajaat 15/8 niviarsiaqqat aqqattut akuersissutigineqarpoq. Nukappiaqqat aqqattut akuerisaareerpoq.
- Neriusaaq 12/8 niviarsiaqqat aqqattut akuersissutigineqarpoq.



- Ernutaaraq 12/8 niviarsiaqqat nukappiaqqallu aqqattut akuersissutigineqarpoq.
- Erngutaaraq 12/8 niviarsiaqqat nukappiaqqallu aqqattut akuersissutigineqarpoq.
- Balika 6/8 niviarsiaqqat aqqattut akuersissutigineqarpoq.
- Ottonnguaq 12/7 nukappiaqqat aqqattut akuersissutigineqarpoq.
- Juaansinguaq 26/6 nukappiaqqat aqqattut akuersissutigineqarpoq.

b. Inuit aqqinik akueritikkusutanik qinnuteqartoqartillugu suliap sivilissusissaanik

aalajangiineq:

Inuup atissaata pisortatigoortumik akuerisaalernissaanut qinnuteqaat kuisitsinissaq kingusinnerpaamik ullut qulit sioqqullugit Oqaasiliortunut qinnuteqaatigereerseqassasoq Oqaasiliortut aalajangiuppaat.

6. Aalajangiiffissat allat

a. Central Arktiske Højsø

Central Arktiske Højsø ataatsimiinnermi kingullermi *Qalasersuup Imartaanik* taaguuserneqarpoq. Tamatuma kingorna Aalisarnermut, Piniarnermut Nunalerinermullu Naalakkersuisoqarfik, kiisalu Kultureqarnermut, Ilageeqarnermut Nunanullu Allanut Naalakkersuisoqarfik tusarniaavigineqarput. Aalisarnermut, Piniarnermut Nunalerinermullu Naalakkersuisoqarfiup siunnersuutigineqartoq isumaqatigivaat, kisianni ima allanngulaarlugu siunnersuutigalugu: *Qalasersuup Avannarliup Imartaa*. Oqaasiliortut 2009-mi aalajangersimavaat Nordpolen taaguuteqassasoq *Qalasersuaq* Antarktisilu taaguuteqassasoq *Sikuiuitsoq Kujalleq*, taaguutillu taakku aalajangiusimaneqassapput.

b. Visitor Centerip kalaallisut taaguutissaa

Taaguut *visitor center* inatsimmi *tikeraat ornittagaannik* kalaallisut taaguuserneqarsimasoq ippigineqarluni Oqaasiliortunut saaffiginnissutigineqarpoq. Saaffiginnittup visitor centerip suuneranik sumullu atorneqartarneranik imalimmik paasisutissiivoq, nassuiaallunilu sumiiffimmi najugaqartunit, atuartunit, takornarianit, ilisimatusartunit allanillu ornillugu paasisassarsiorfigineqartartussaasoq. Oqaasiliortut taaguummik tulluurtumik massakkuugallartoq nassaarsinnaannginnamik aalajangiinissaq kinguartikkallarpaat,



siunnersuutilli makku saqqummiunneqarput: Tikeraanik Sullissivik, Pulaarfik, Paasisassarsiortarfik.

c. Kammuslingip kalaallisut taaguutaa

Oqaasiliortunut saaffiginnissutigineqarpoq Oqaasiliortut 2013-imi kammuslingimut taaguusiussaat *uiluik* eqqunngitsuusoq, taaguut taanna østersimut taaguutaammat.

Misissuinerup takutippaa kammuslingimut taaguutit marluk atorineqartut: *uiluik* aamma *kissavaasaq*, tamarmillu ordbogini atorineqartut. 2013-imi taaguusiunneqartup allanngortinneqarnissaa tunngavissaqarsorineqanngilaq.

d. Bæredygtigt fiskeri, bæredygtig fangst, bæredygtigt landbrug, bæredygtig udvikling,

bæredygtig udnyttelse, bæredygtig, bæredygtighed aamma bæredygtig økonomi kalaallisut taaguutissaat

Bæredygtighedip isumaa Brundtlandip nalunaarusiaani ima nassuiarneqarpoq: *en fremtidig udvikling "(...) som opfylder de nuværende generationers behov uden at bringe fremtidige generationers muligheder for at opfylde deres behov i fare" (Brundtland-rapporten, 1987).*

Oqaasiliortut aalajangiuppaat bæredygtig/bæredygtighedimut taaguut *piujuartitsineq* atorineqassasoq. Taamaalillutik taaguutit makku aalajangiunneqarput:

- | | |
|-----------------------------|---------------------------------|
| a. bæredygtig/bæredygtighed | piujuartitsineq |
| b. bæredygtigt fiskeri | piujuartitsilluni aalisarneq |
| c. bæredygtig fangst | piujuartitsilluni piniarneq |
| d. bæredygtigt landbrug | piujuartitsilluni nunalerineq |
| e. bæredygtig udvikling | piujuartitsilluni ineriartorneq |
| f. bæredygtig udnyttelse | piujuartitsilluni atorluaaneq |

Bæredygtig økonomi aamma økonomisk bæredygtighed kingusinnerusukkut aalajangiiffigineqassapput.

7. Suliat allat pillugit ilisimatitsineq

a. Inatsisartut Ilinniartitaanermut, Kultureqarnermut Ilageeqarnermut Nunanullu Allanut Ataatsimiititaliaasa naapinnissaannik eqqartuineq



Ataatsimeeqatigiinnissaq oktobarip 11-anut kinguartinneqarpoq ataatsimiititaliap allamik pisassaqalersimanera pissutigalugu. Oqaasiliortut tamakkerlutik peqataasinnaaniassammata ataatsimiinnissaq ualikkumut ullormulluunniit allamut nuunneqarsinnaanersoq misissorneqassaaq.

8. Ataatsimiinnissap tulliata ullulerneqarnera

Tulliani ataatsimiinneq pissaaq novembarip 7-ianni.

9. Tamalaat.

KNR-imi sulisunik Oqaasileriffiup suleqateqarnera qanoq ingerlanneqarnerasoq Juaaka Lyberthip apeqqutigaa. Katti Frederiksenip nassuiaatigaa ilaatigut nittartakkamut ikkussanik kukkunerisuiineq tunngavigalugu ilitsersuisoqartartoq, aammalu sulisut ataasiakkaat pikkorissarneqartartut. Taama kiffartuussineq nalilersorneqaleruttorpoq, tamannalu naammasseriarpat KNR-imi sulisunik siunnersuisartoq Tikaajaat Kristensen Oqaasiliortunut saqqummiumaartoq neriorsuutigineqarpoq.

Ataatsimiinnermi peqataasut:

Mariia Simonsen
siulittaasoq

Juaaka Lyberth
ilaasortaq

Hans Kristian Olsen
ilaasortaq

Karen Ramsøe
ilaasortaq

Knud Møller
ilaasortaq



Oqaasiliortut

The Language Council of Greenland